

# 中華傳世奇書

第十卷 中華諧謔十大奇書

第八部 笑典


壹百部

7

书馆

407909


中华谐谑十大奇书第八部



〔清〕

铁舟寄庸

纂辑



204079095



## 《笑典》导读

《笑典》，清铁舟寄庸撰。书共六卷，作者姓氏里贯均不详。

与其它笑话奇书不同，本书既不是独立的创作，也不是对民间笑话的搜集。作者认为：“拓胸悦目，莫如子史。微言鄙事，多堪冷齿。”在这种认识下，他花费了大量“温绎之余”的时间，从《列子》、《庄子》、《韩非子》、《吕氏春秋》、《战国策》、《史记》、《汉书》、《后汉书》、《三国志》、《晋书》、《南史》、《北史》、《新唐书》、《新五代史》等十四种典籍中，辑录出了这本《笑典》。由此看来，作者将本书取名为“笑典”，大概包蕴了两方面的含义，一是指该书笑话乃取材于历朝经典书籍，以区别于取自村野鄙夫的笑话，一是指本编笑话的典雅特点，区别于那些鄙俗的笑话。

本书确实体现了编纂者的本旨。可以看到，全书每一则笑话故事都有明确的出处，不仅标明了出自何书，而且标明了出自何篇何章。如“吾富可待矣”之出自《列子·说符篇》，“亦捧心瞑其里”之出自《庄子·天运》，诗因有之曰：“之出自《庄子·外物》，甚智其里”之出自《韩非子·说难》，“使天地二年而成一叶”之出自《韩非子·喻老》，诸如此类。一眼即可看出其“贵族血统”。与此相应，《笑典》的“笑”也确乎有别于民间笑话，而表现出文人笑话、书卷笑话的典雅、耐人咀嚼、温柔敦厚，许多故事现已成为人们耳熟能详的成语和典故。“不如释臣”则曰：有献不死之药于荆王者，谒者操之以入，中射之士问曰：“可食乎？”曰：“可”。因夺而食之。王大怒，使之杀中射之



士。中射之士使人说王曰：“臣问谒者曰‘可食’，臣故食之，是臣无罪而罪在谒者也。且客献不死之药，臣食之而王杀臣，是死药也，是客欺王也。夫杀无罪之臣，而明人之欺王也，不如释臣。”（《韩非子·说林》）在题材上，《笑典》也很少那些以人体的弱点，以性本能为发笑对象的笑话，因而显得更为纯净。所有这些，都使之成为了笑史中别具一格的奇书。

# 目 录

## 卷 一

- 列 子..... (1)  
庄 子..... (1)  
韩非子..... (2)  
吕氏春秋..... (8)  
战国策 ..... (12)  
史 记 ..... (15)  
汉 书 ..... (15)

## 卷 二

- 后汉书 ..... (30)  
三国志 ..... (46)  
晋 书 ..... (53)

## 卷 三

- 南史上 ..... (69)

## 卷 四

- 南史下 ..... (104)  
北史上 ..... (111)

## 卷 五

- 北史中 ..... (135)

## 卷 六

- 北史下 ..... (167)  
新唐书 ..... (176)  
新五代史 ..... (187)

# 卷 一

拓胸悦目，莫如子史。微言鄙事，多堪冷齿。温绎之余，聊尔辑此。非矜博文，无希贵纸。厥味膏腴，厥色金紫。秘之不能，公诸君子。铁舟寄庸识。

## 列 子

### 吾富可待矣

宋人有游于道，得人遗契者，归而藏之，密数其齿，告邻人曰：“吾富可待矣。”《说符篇》

### 无似窃铁者

人有亡铁者，意其邻之子，视其行步窃铁也，颜色窃铁也，言语窃铁也，动作态度，无为而不窃铁也。俄而扬其谷而得其铁，他日，复见其邻人之子，动作态度，无似窃铁者。（同上）

## 庄 子

### 亦捧心瞑其里

西施病心而瞑其里，其里之丑人见而美之，归亦捧心而瞑其里。其里之富人见之，坚闭门而不出，贫人见之，挈妻子而去之走。彼知美瞑，而不知瞑之所以美。（《天运》）

### 将贷子三百金

庄周家贫，故行贷粟于监河侯。监河侯曰：“诺，我将得邑金，将贷子三百金，可乎？”庄周忿然作色曰：“周昨来，有中道而呼者，周顾视车辙中，有鲋鱼焉。周问之曰：‘鲋鱼来，子何为者邪？’对曰：‘我东海之波臣也，君岂有斗升之水而活我哉？’周曰：‘诺。我且南游吴越之王，激西

江之水而迎子，可乎？”鲋鱼忿然作色曰：“吾失我常与，我无所处，吾得斗升之水然活耳，君乃言此，曾不如早索我于枯鱼之肆。””（《外物》）

## 诗固有之曰

儒以诗礼发冢，大儒胠传曰：“东方作矣，事之何若？”小儒曰：“未解裙襦，口中有珠。”“诗固有之曰：‘青青之麦，生于陵陂。生不布施，死何含珠为？’接其鬓，摩其颊，而以金椎控其颐，徐别其颊，无伤口中珠。”（同上）

## 因以踣河

演门有亲死者，以善毁，爵为官师。其党人毁而死者半。尧与许由天下，许由逃之，汤与务光，务光怒之。纪他闻之，帅弟子而踣于颍水，诸侯吊之，三年，申徒狄因以踣河。（同上）

## 无所用其巧

朱泚漫学屠龙于支离益，单千金之家，三年技成，而无所用其巧。（《列御寇》）

## 韩非子

## 甚智其子

宋有富人，天雨墙坏，其子曰：“不筑，必将有盗。”其邻人之父亦云。暮而果大亡其财，其家甚智其子，而疑邻人之父。（《说难》）

## 又尝啖我以馐桃

昔者，弥子瑕有宠于卫君。卫国之法，窃驾君车者罪刖。弥子瑕母病，人闻，往夜告弥子，弥子矫驾君车以出。君闻而贤之，曰：“孝哉！为母之故，忘其刖罪。”异日，与君游于果园，食桃而甘，不尽，以其半啖君。君曰：“爱我哉！忘其口味，以啖寡人。”及弥子色衰爱弛，得罪于君，君曰：“是固尝矫驾吾车，又尝啖我以馐桃。”（同上）

## 使天地二年而成一叶

宋人有为其君以象为楮叶者，二年而成，丰杀茎柯，毫芒繁释，乱之楮叶之中而不别也。此人遂以功食禄于宋邦。列子闻之曰：“使天地二年而成一叶，则物之有叶者寡矣。”（《喻老》）

## 因献酒肉

鸱夷子皮事田成子，田成子去齐，走而之燕，鸱夷子皮负传而从。至望邑，子皮曰：“子独不闻涸泽之蛇乎？涸泽，蛇将徙，有小蛇谓大蛇曰：‘子行而我随之，人以为蛇之行者耳，必有杀子；不如相衔，负我以行，人必以为为神君也。’乃相衔负以越公道而行，人皆避之曰：‘神君也。’今子美而我恶，以子为我上客，千乘之君也；以子为我使者，万乘之卿也；子不如为我舍人。”田成子因负传而随之，至逆旅，逆旅之君，待之甚敬，因献酒肉。（《说林》）

## 不如释臣

有献不死之药于荆王者，谒者操之以入，中射之士问曰：“可食乎？”曰：“可。”因夺而食之。王大怒，使人杀中射之士。中射之士使人说王曰：“臣问谒者曰‘可食’，臣故食之，是臣无罪而罪在谒者也。且客献不死之药，臣食之而王杀臣，是死药也，是客欺王也。夫杀无罪之臣，而明人之欺王也，不如释臣。”王乃不杀。（同上）

## 怀三十金问疾

张贻相韩，病将死，公乘无正怀三十金而问其疾，居一月，王问张贻曰：“若子死，将谁使代子。”答曰：“无正重法而畏上。虽然，不如公子食我之得民也。”张贻死，因相公乘无正。（同上）

## 自知其益富

卫人嫁其子而教之曰：“必私积聚。为人妇而出，常也；其成居，幸也。”其子因私积聚，其姑以为多私而出之。其子所以反者，倍其所以嫁。其父不自罪其教子非也，而自知其益富。（同上）



## 子岂能毋怪哉

杨朱之弟杨布，衣素衣而出，天雨，解素衣，衣缁衣而反，其狗不知而吠之，杨布怒，将击之。杨朱曰：“子毋击也。子亦犹是。曩者，使女狗白而往，黑而来，子岂能毋怪哉？”（同上）

## 三蝨相与讼

三蝨相与讼，一蝨过之，曰：“讼者奚说？”三蝨曰：“争肥饶之地。”一蝨曰：“若亦不患腊之至而茅之燥耳。若又奚患。”于是乃相与聚噉其母而食之，彘闻，人乃弗杀。（同上）

## 来效贼也

韩咎立为君，未定也。弟在周，周欲重之，而恐韩咎不立也。綦毋恢曰：“不若以车百乘送之。得立，因曰‘为戒’；不立，则曰‘来效贼’也。”（同上）

## 因曰此河伯

齐人有谓齐王曰：“河伯，大神也，王何不试与之遇乎？臣请使王遇之。”为坛场大水之上，而与王立之焉，有间，大鱼动，因曰：“此河伯。”（《内储说》）

## 浴以兰汤

燕人无惑，故浴狗矢。燕人其妻有私通于士，其夫早自外而来，士适出，夫曰：“何客也？”其妻曰：“无客。”问左右，左右言“无有”，如出一口。其妻曰：“公惑易也。”因浴之以狗矢。一曰：燕人李季好远出，其妻有私通于士，季突至，士在内中，妻患之。其室妇曰：“令公子裸而解发，直出门，吾属佯不见也。”于是公子以其计，疾走出门，季曰：“是何人也？”家室皆曰：“无有。”季曰：“吾见鬼乎？”妇人曰：“然。”“为之奈何？”曰：“取五牲之矢浴之。”季曰：“诺。”乃浴以矢。一曰，浴以兰汤。（同上）

## 子将以买妾

卫人有夫妻祷者，而祝曰：“使我无故，得百束布。”其夫曰：“何少也？”对曰：“益是，子将以买妾。”（同上）。

## 王怒曰劓之

魏王遗荆王美人，荆王甚悦之。夫人郑袖知王悦爱之也，亦悦爱之，甚于王，衣服玩好，择其所欲为之。王曰：“夫人知我爱新人也，其悦爱之甚于寡人，此孝子之所以养亲，忠臣之所以事君也。”夫人知王之不以己为妒也，因谓新人曰：“王甚悦爱子，然恶子之鼻。子见王常掩鼻。则王常幸子矣。”于是新人从之，每见王常掩鼻。王谓夫人曰：“新人见寡人常掩鼻，何也？”对曰：“不己知也。”王强问之，对曰：“顷尝言，恶闻王臭。”王怒曰：“劓之。”夫人先诫御者曰：“王适有言，必可从命。”因揄刀而劓美人。（同上）

## 与黄帝之兄同年

郑人有相与争年者，一人曰：“吾与尧同年。”其一人曰：“我与黄帝之兄同年。”讼此而不决，以后息者为胜耳。（《外储说》）

## 虞庆为屋

虞庆为屋，谓匠人曰：“屋太尊。”匠人对曰：“此新屋也，涂濡而椽生。夫濡涂重而生椽桡，以桡椽任重涂，此宜卑。”虞庆曰：“不然，更日久则涂乾而椽燥，涂乾则轻，椽燥则直，直椽任轻涂，此益尊。”匠人绌为之而屋坏。一日，虞庆将为屋，匠人曰：“材生而涂濡。夫材生则桡，涂濡则重，以桡任重，今虽成，久必坏。”虞庆曰：“材乾则直，涂乾则轻，今诚得乾，日以轻直，虽久必不坏。”匠人绌，作之成，有间，屋果坏。（同上）

## 与天神博

赵主父令工施钩梯而缘播吾，刻踈人迹其上，广三尺，长五尺，而勒之曰：“主父常游于此。”秦昭王用工施钩梯而上华山，以松柏之心为博，箭长八尺，棊长八寸，而勒之曰：“昭王尝与天神博于此矣。”（同上）

## 象吾故袴

郑县人卜子使其妻为袴，其妻问曰：“今袴何如？”夫曰：“象吾故袴。”妻子因毁新，令如故袴。（同上）

## 今又曰车辄

郑县人有得车辄者，而不知其名，问人曰：“此何种也？”对曰：“此车辄也。”俄又复得一，问人曰：“此车辄也。”问者大怒曰：“曩者曰车辄，今又曰车辄，是何众也？此女欺我也。”遂与之斗。（同上）

## 以为渴也

郑县人卜子妻之市，买鳖以归，过颍水，以为渴也，因纵而饮之，遂亡其鳖。（同上）

## 亦效唾之

鲁人有自喜者，见长者饮酒，不能酌则唾之，亦效唾之。（同上）

## 书言之固然

书曰：“绅之束之。”宋人有治者，因重带自绅束也。人曰：“是何也？”对曰：“书言之，固然。”书曰：“既雕既琢，还归其朴。”梁人有治者，动作言学，举事于文，曰：“难之”，顾失其实。人曰：“是何也？”对曰：“书言之，固然。”（同上）

## 宁信度

郑人有且置履者，先自度其足，而置之其坐，至之市而忘操之，已得履，乃曰：“吾忘持度。”反归取之，及反，市罢，遂不得履。人曰：“何不试之以足？”曰：“宁信度，无自信也。”（同上）

## 伯夷以将军葬

秦韩攻魏，昭卯西说而秦韩罢；齐荆攻魏，卯东说而齐荆罢。魏襄王养之以五乘将军。卯曰：“伯夷以将军葬于首阳山之下，而天下曰：‘夫以伯夷之贤与其称仁，而以将军葬，是手足不掩也。’今臣罢四国之兵，而王乃与臣五乘，此其称功，犹赢滕而履蹻。”(同上)

## 裘独有尾

齐有狗盗之子，与刖危子戏而相夸，盗子曰：“吾父之裘独有尾。”危子曰：“吾父独冬不失袴。”(同上)

## 安暇语汝

郑县人卖豚，人问其价，曰：“道远日暮，安暇语汝。”(同上)

## 今日庄氏之酒酸

宋之酤酒者，有庄氏者，其酒常美，或使仆往酤庄氏之酒，其狗齧人，使者不敢往，乃酤他家之酒。问曰：“何为不酤庄氏之酒？”对曰：“今日庄氏之酒酸。”故曰，不杀其狗则酒酸。(同上)

## 计不胜听

田婴相齐，人有说王者曰：“终岁之计，王不一以数日之间自听之，则无以知吏之奸邪得失也。”王曰：“善。”田婴闻之，即遽请于王而听其计，王将听之矣，田婴令官具押券斗石参升之计，王自听计，计不胜听，罢，食后复坐，不复暮食矣。田婴复谓曰：“群臣听终岁日夜不敢偷息之事也，王以一夕听之，则群臣有为劝勉矣。”王曰：“诺。”俄而王已睡矣，吏尽揄刀削其押券斗石之计。王自听之，乱乃始生。(同上)

## 吕氏春秋

### 贤固若是其苦耶

齐湣王亡居于卫，昼日步足，谓公玉丹曰：“我已亡矣，而不知其故，君所以亡者，果何故哉？我当已。”公玉丹答曰：“臣以王为已知之矣，王故尚未之知耶？王之所以亡也者以贤也，天下之王皆不肖，而恶王之贤也，因相与合兵而攻王，此王之所以亡也。”湣王慨然太息曰：“贤固若是其若耶？”（《季秋审已篇》）

### 一父而载取名

楚有直躬者，其父窃羊而谒之上，上执而将诛之，直躬者请代之。将诛矣，告吏曰：“父窃羊而谒之，不亦信乎？父诛而代之，不亦孝乎？信且孝而诛之，国将有不诛者乎？”荆王闻之，乃不诛也。孔子闻之曰：“异哉！直躬之为信也，一父而载取名焉。”（《仲冬纪当务篇》）

### 子肉也我肉也

齐之好勇者，其一人居东郭，其一人居西郭，卒然相遇于塗，曰：“姑相饮乎？”觞数行，曰：“姑求肉乎？”一人曰：“子肉也，我肉也，尚胡革求肉而为？”于是具染而已。（注：染，豉酱也。）因抽刀而相啗，至死而止。（同上）

### 遽契其舟

楚人有涉江者，其剑自舟中坠于水，遽契其舟曰：“是吾剑之所从坠。”舟止，从其所契者入水求之。（《慎大览察今篇》）

### 此其父善游

有过于江上者，见人方引婴儿而欲投之江中，婴儿啼，人问其故，曰：“此其父善游。”（同上）



## 徒见金耳

齐人有欲得金者，清旦被衣冠往鬻金者之所，见人操金，攫而夺之，吏搏而束缚之，问曰：“人皆在焉，子攫人之金何故？”对吏曰：“殊不见人，徒见金耳。”（《先识览去宥篇》）

## 此必无所更买矣

涿水甚大，郑之富人有溺者，人得其死（注：“屍”字写脱）者，富人请赎之，其人求金甚多，以告邓析，邓析曰：“安之，人必莫之卖矣。”得死者患之，以告邓析，邓析又答之曰：“安之，此必无所更买矣。”（《审应览离谓篇》）

## 死顾可以见人乎

齐有事人者，所事有难而弗死也，遇故人于涂，故人曰“固不死乎？”对曰：“然。凡事人以为利，死不利，故不死。”曰：“子尚可以见人乎？”对曰：“子以死为顾可以见人乎？”（同上）

## 子岂不得哉

宋有澄子者，亡缁衣，求之涂，见妇人衣缁衣，援而弗舍，欲取其衣，曰：“今者，我亡缁衣。”妇人曰：“公虽亡缁衣，此实吾所自为也。”澄子曰：“子不如速与我衣。昔吾所亡者，纺缁也。今子之衣，禅缁也。以禅缁当纺缁，子岂不得哉？”（《淫辞篇》）

## 诗岂曰恺悌新妇哉

白圭新与惠子相见也，惠子说之以强，白圭无以应。惠子出，白圭告人曰：“人有新取妇者，妇至宜安矜，烟视媚行，竖子操蕉火而钜，新妇曰：‘蕉火大钜。’人于门，门中有斂陷，新妇曰：‘塞之，将伤人之足。’此非不便之家氏也，然而有大甚者。今惠子之遇我尚新，其说我有大甚者。”惠子闻之曰：“不然。诗曰：‘恺悌君子，民之父母。’恺者大也，悌者长也，君子之德，长且大者，则为民父母。父母之教子也，岂待久哉？何事比我于新妇乎？诗岂曰：‘恺悌新妇’哉？”（《不屈篇》）

## 今夜辱吾

齐庄公之时，有士曰宾卑聚，梦有壮子，白縞之冠，丹绩之袍，东布之衣，新素履，墨剑室，从而叱之，唾其面。惕然而寤，徒梦也，终夜坐不自快。明日，召其友而告之，曰：“吾少好勇，年六十而无所挫辱，今夜辱吾，将索其形期得之，则可，不得，将死之。”每朝与友俱立乎衢，三日不得，却而自杀。（《离俗览》）

## 为天下惜死

戎夷违齐如鲁，天大寒而后门，与弟子一人宿于郭外，寒愈甚，谓其弟子曰：“子与我衣，我活也，我与子衣，子活也。我国士也，为天下惜死，子不肖人也，不足爱也，子与我子之衣。”弟子曰：“夫不肖人也，又恶能与国士之衣哉？”戎夷太息叹曰：“嗟夫！道其不济夫！”解衣与弟子，夜半而死，弟子遂活。（《恃君览长利篇》）

## 喜效人之子姪昆弟状

梁北有黎邱，邱有奇鬼焉，喜效人之子姪昆弟之状。邑丈人有之市而醉归者，黎邱之鬼，效其子之状，扶而道基苦之。丈人归，酒醒，而谓其子曰：“吾为汝父也，岂谓不慈哉？我醉汝道苦我，何故？”其子泣而触地曰：“孽矣，无此事也。昔也往责于东邑人，可问也。”其父信之，曰：“嘻，是必夫奇鬼也。我固尝闻之矣。”明日，端复饮于市，欲遇而刺杀之，明旦之市而醉，其子恐其父之不能反也，遂逝迎之，丈人望其真子，拔剑而刺之。（《慎行论疑似篇》）

## 带益三副矣

齐滑王亡居卫，谓公玉丹曰：“我何如主也。”公玉丹对曰：“王贤主也。臣闻古人有辞天下而无恨色者，臣闻其声，于王而见其实。王名称东帝，实辨天下，去国居卫，容貌充满，颜色发扬，无重国之意。”王曰：“善哉！丹知寡人！寡人自去国居卫也，带益三副矣。”（《贵直论过理篇》）

## 乡之死者宜矣

齐攻宋，宋王使人候齐寇之所至，使者还曰：“齐寇近矣，国人恐矣。”左右皆谓宋王曰：“此

所谓肉自生虫者也，以宋之强，齐兵之弱，恶能如此？”宋王因怒而讎杀之。又使人往视齐寇，使者报如前，宋王又怒讎杀之。如此者三，其后又使人往视，齐寇近矣，国人恐矣，使者遇其兄曰：“国危甚矣，若将安适？”其弟曰：“为王视齐寇，不意其近，而国人恐如此也。今又私患乡之先视齐寇者，皆以寇之近也报而死，今也报其情死，不报其情又恐死，将若何？”其兄曰：“如报其情，有且先夫死者死，先夫亡者亡。”于是报于王曰：“殊不知齐寇之所在，国人甚安。”王大喜，左右皆曰：“乡之死者宜矣。”王多赐之金。寇至，王自投车上驰而走，此人得以富于他国。（《壅塞篇》）

### 寡人固生而有之也

齐王欲以淳于髡傅太子，髡辞曰：“臣不肖，不足以当此大任也。王不若择国之长者而使之。”齐王曰：“子无辞也。寡人岂责子之令太子必如寡人也哉？寡人固生而有之也，子为寡人令太子如尧乎？其如舜也？”（同上）

### 此不下九石

齐宣王好射，说人之谓己能用强弓也，其尝所用，不过三石，以试左右，左右皆试用之，中关而止，皆曰：“此不下九石，非王其孰能用是？”（同上）

### 遽揜其耳

范氏之亡也，百姓有得钟者，欲负而走，则钟大不可负，以椎毁之，钟况然有音，恐人闻之而夺己也，遽揜其耳。（《不苟论自知篇》）

### 吾将以汝兄代之

唐尚敌年为史，其故人谓唐尚愿之，以谓唐尚，唐尚曰：“吾非不得为史也，羞而不为也。”其故人不信也，及魏围邯郸，唐尚说惠王而解之围，以与伯阳。其故人乃信其羞为史也。居有间，其故人为其兄请，唐尚曰：“卫君死，吾将以汝兄代之。”其故人反，兴，再拜而信之。（《士容论》）

## 战国策

### 不敢欺

秦兴师临周而求九鼎。周君患之，以告颜率，颜率曰：“大王勿忧，臣请东借救于齐。”颜率到齐，谓齐王曰：“夫秦之为无道也，欲兴兵临周而求九鼎，周之君臣内自画计，与秦，不若归之大国。夫存危国，美名也，得九鼎，厚宝也，愿大王图之。”齐王大说，发师五万人，使陈臣思将以救周，而秦兵罢。齐将求九鼎，周君又患之。颜率曰：“大王勿忧，臣请东解之。”颜率至齐，谓齐王曰：“周赖大国之义，得君臣父子相保也，愿献九鼎，不识大国何涂之从而致之齐？”齐王曰：“寡人将寄径于梁。”颜率曰：“不可。夫梁之君臣欲得九鼎，谋之晖台之下，沙海之上，其日久矣。鼎入梁，必不出。”齐王曰：“寡人将寄径于楚。”对曰：“不可。楚之君臣欲得九鼎，谋之于叶庭之中，其日久矣。若入楚，鼎必不出。”王曰：“寡人终何涂之从而致之齐？”颜率曰：“敝邑固窃为王患之。夫鼎者，非效醯壶酱瓿耳，可怀挟提挈以至齐者。非效鸟集乌飞，兔兴马逝，漓然止于齐者。昔周之代殷，得九鼎，凡一鼎而九万人輓之，九九八十一万人，士卒师徒，戎器被具，所以备者，称此。今大王纵有其人，何涂之从而出？臣窃为大王私忧之。”齐王曰：“子之数来犹无与耳。”颜率曰：“不敢欺，大国疾定所从出，敝邑迁鼎以待命。”齐王乃止。（《周策》）

### 得两国之金

东周欲为稻，西周不下水，东周患之。苏子为东周君曰：“臣请使西周下水可乎？”乃往见西周之君曰：“君之谋过矣。今不下水，所以富东周也。今其民皆种麦，无他种矣。君若欲害之，不若一为下水，以病其所种。下水，东周必复种稻，种稻而复夺之。若是则东周之民，可令一仰西周，而受命于君矣。”西周君曰：“善。”苏子亦得两国之金也（同上）

### 事秦而好小利

犀武败于伊阙，周君之魏求救，魏王以上党之急辞之。周君反，见梁囿而乐之也。棋母恢谓周君曰：“温囿不下此而又近，臣能为君取之。”反见魏王，王曰：“周君怨寡人乎？”对曰：“不怨，且谁怨乎？臣为王有患焉。周君，谋主也，而设以国为王扞秦，而王无之扞也。臣见其必以国事秦也。秦悉塞外之兵，与周之众以攻南阳而两上党绝矣。”魏王曰：“然则奈何？”棋母恢曰：“周君形不好小利，事秦而好小利，今王许成三万人于温囿。周君得以为辞于父兄百姓，而利温囿以为乐，必不合于秦。臣尝闻温囿之利，计岁八十金；周君得温囿其以事王者，岁得百二十金，是上党无患而赢四十金。”魏王因使孟卯致温囿于周君，而许之成。（同上）